

# OMUKUETU

N:o 12

DESEMBER

1952



## „OJE OTA HUPICA OSHIGUANA SHE MOONDJO DASHO.“

Oshitja „krismesa“ nokuli tashi nengeneke omuenjo guomuntu, nuunene jojene nge ja heda ko, no ja cikana. Oshike tashi tojaleke okrismesa ji ninge ontoje ngaaka, no ji hoolike ngeji, konjala omuntu kehe oku uvite, ojo oshitucielela ji vule ajihe jilue? Pamue omolu omailongekido ogendji, nenge pamue molu omikalo doku ji dana, ngashi esakalo n. s. t.? Eeno, odo uo tadi njanjuda, ihe ekota ljoljene ljenjanju ljokrismesa oli li palue. No pomasiku ngano gomapjagano, pecimbo ljokrismesa tapu monika tuu etsakanico ljehambelelondjimbo ljoongundu domegulu, ngashi lja li lja imbua pokrismesa jotango: „Esimaneko lja Kalunga mokombandambanda, nombili kombanda jevi, maantu e ja hokua!“

Ejamukulo ljepulo ljetu tali monika moohapu: „Cje ota hupica oshiguana she moondjo dasho.“ Oje nguka olje? Itatu pumbua oku shi pula, oshoka okaana nokuli ke shi kujamukula: Oje oJesus, ngoka tatu mu njanjukilua okuvalua kue esiku ljokrismesa. Ihe andola tatu tsikile okupula, omolua shike Jesus okue ja muujuni, omajamukulo pamue taga tameke okutopoka. Pamue okuume ka Jesus okashona kamue taka ti: Jesus okue ja, opo tu kale tu na okrismesa, no tu uape okunjanjukua. Esiku limue omboka aashona oju uvite, okrismesa shoka taji ti, je tu vule tse mbaka tu shi kufatulula, no tu shi kuuuica, ihe katu nomuenjo gu uvite okrismesa, shoka taji ti. Jesus okua ti: „Ngele itamu ningi mua fa aanona...“ Opo omuntu a kale e uvite okrismesa, shoka taji ti, oje ota pumbua omuenjo guopakanona, a uape okuitaambela uo elaka ljokrismesa.

„Ajihe oja shitua kuje, no kaku na shoka sha shitua shaa shi shomuje.“ Oljo uo elaka ljoomohapu da krismesa. Ajihe ojomuje. Omuenjo aguhe. Oje ngele kee po, nomuenjo uo kagu po mpoka. Ihe elaka ljokrismesa itali ti ouala: „Oje okua li e na omuenjo“. Aue, oljo tali ti uo, oje okue ja mokati ketu, opo natse uo tu kale tu na omuenjo. Ohapu ja Kalunga, ojo ji nomuenjo, no taji shiti, ojo je ja muujuni. Omolua shoka aajengeli noongundu domegulu di injenge uusiku tuu mbuka Jesus okua valua.

Etango ndjoka lja li enene li vule omatango omanene agehe gomujuni, oshoka oljo lja tamekica ecimbo epe, kokutja ecimbo ljehupico. Oshinima shika omujengeli a li a hala oku shi holola, shokua lombuele Josef mondjodi: „Oto ke mu luka Jesus, oshoka oje ta hupica oshiguana she moondjo dasho.“

Ihe nando ajihe jomu Kalunga, nuuanaua ue nando tau ku kundukida shaa ecimbo, noje ote tu tsejicile elaka ljehupico, nando ongaaka, natango tuu oku naantu ojendji, ongundu onene nokuli jaamboka kaje na sha na Kalunga. Itandi popi aapagani mboka inaa uva elaka ljokrismesa, ihe ote popi mboka taa ikukutike omakutsi gauo, no inaa hala okusimaneke Kalunga. Omuntu a tja ngaaka, ngele a shashua nenge ina shashua, oje kee shi shi natango omuenjo gua shili shoka tagu ti. Oje kee na okrismesa. Ihe naje uo ta pumbua elaka ljokrismesa, omuntu kehe te li pumbua. Nomolua shoka moongerki dokOuambo uo tamu uvika elaka ndika etoje isheue: Oje ota hupica oshiguana she moondjo dasho. Kalunga tuu ta uvicica elaka ndika, nomupulakeni oku nokutokola, ngele ta taamba elaka ndika, nenge oti ikukutike. Ihe ojendji je li taamba uo, onke ano omahambelelondjimbo taga uvika momagumbo ogendji no moomuenjo odindji no kOuambo uo esiku ljokrismesa. Oshoka ngoka a mono Omukulili, oje oku nehala okuhambelela. Pokrismesa jonumumvo, ojendji je na enjanju epe, oshoka ngashingeji aakuetu ojendji oja taamba Jesus moomuenjo dauo pamukalo omupe, inaje gu tseja nale. Omuhongi gumue a ka-

la mu India, okua njola embo ljokuhokolola iilonga ja Kalunga hujaka. Embo lje okue li luku: „Kristus guomoondjila domu India.“ Ngashingeji tatu vulu okuhokolola uo Kristus guomoondjila dokOuambo. Oje okua kala nokuendaenda omagongalo nomagongalo, iilongo niilongo, nokua popica aantu je. „Ongame nde ja, opo ja kale je na omuenjo, no ja kale je neguaneneno.“ Oje e ja a kale Omuhupici nOmumangululi. Ojendji ja mono ompito oku mu etela oondjo dauo, no ja peua ombili jedimopo ljoondjo. Ojo no taa imbi muule moomuenjo dauo: „Ngaj“ ndi nokuhambelela Omuaa ngo omuanaua...“ Ngoje ngu ua mono okrismesa joje, no ua peua omagano gokrismesa, kokutja Jesus moomuenjo guoje, ongoje ua peua oshaaluata oshinene shili. Dimbulukua naua oshaaluata shino kashi shi kupungulua noku shi holeka andola. Ngele to shi jelekele to ka kala ua fa omumati nguka a peua otalenti jimue, ihe okue ji kаница ajihe, omolua shoka e ji holeke mevi. Longica omagano ue ga peua. Oocigua, naaselekadi, naakulupe, naavu ojo taje ku tegelele pamue, ongoje tuu u ja faalele elaka tali hokolola Omukulili guokrismesa. Kristus guomoondjila dokOuambo oku li po te ende natango. Ongoje ue mu tsakaneeke, no ua peua Ombepo je momuenjo guoje. Nena taku pulua nomungoje Ohapu ji ninge onjama, Kristus a mone olupe mungoje. Pamue jaandjeni itaa mono elunduluko lja sha mungoje, nando ngoje muene u li uete. Shi vule aakueni taje li mono andola, nando ngoje ku li uete. Opo u kale mondjila ju uka ndjoka Johannes e ji popi, shokua ti: „Oje oku nokunenepala, ngame ondi nokushonopala.“

Ihe Kristus guomoondjila dokOuambo ita kongo ouala oohepele naankundi, oje okua hala okuhupica oshiguana she ashiehe, na mboka uo inaje mu uva natango. Manga ndi li po te njola ohapu dika, nda fa te mono Omukulili, ngashi nda li nde mu mono esiku ndijaka, oje okui icanene ndje moshilonga shetumo. Ote mono omeho ge gu uda ohoole taga tsu ndje momuenjo. Omeho ge ugu uda oluhodi. Ondi shi shi omolua shike. Ote talicua efano ekuuuo, omukunda guapagani, moka aanona ja gongalele koskola, opo ja uve sha shomu Jesus, no ja longue oku mu imbila. Ojo otaa pulakene nomuenjo aguhe. Ihe okacimbo okafupi ngini! Aalongi otaa zi po, nojo kaje na ngoka te ja longo ue, kaje na ngoka te ja uvicile elaka ljokrismesa. Omolua shoka omeho ga Jesus ugu uda oluhodi. Pokrismesa jotango Kalunga a tumu aajengeli mboka ja li taa uvica elaka ljehupico, oshoka kakua li nando omuntu gumue e uvite ediladilohupico lja Kalunga. Ihe ngashingeji Jesus okua holola ehala lja Kalunga Tate, oje okua gandja omuenjo gue, no ku li po ta tegelele, tse tu uve elaka lje, sho ta ti: „Indeni mu ka uvicile aashitua ajehe evangeli.“ Olje ngoka ta ji ko?

Kristus guomoondjila dokOuambo te ende natango. Oje te tu kongo, e tu hupice moondjo detu. Ongoje ue mu tsakaneeke tuu? Oje e ku lombuele tuu: „Ombili jandje otandi ji ku pe, itandi ku pe ngashi uujuni tau gandja.“ Otse ohatu halelacana ombili jomukrismesa. Onaua nge tatu shi ningi. Ihe ngele otse mboka tu na omuenjo omuujuni, otatu halelacana ombili, uunenene Omukulili okue shi hala, oshoka osho e shi endekele nokuli. „Oje ota ka hupica“, osho omujengeli a ti, osho uo Jesus muene ti ihokolola, nosho uo taa hokolola aantu omajuvi nomajuvi, mboka je shi mono mujo jene. Jesus a hala, ngoje omuleshi u mone ombili ja shili jokrismesa. Onke ano Jesus ta ti, oje a hala e ku mangulule uo moondjo doje. Elaka ndika li taamba meitaalo, galikana Jesus e ku kuace - na tameka okuhambelela, nando momuenjo guoje ku uvite manga enjanju nenge ombili jomegulu. Kutse mbaka tu nomuenjo gua talala, Jesus e ja e tu kuace. Hambelela, hambelela Omuaa, noku mu itaala, nando ngoje omukueji. Nena otse na ngoje uo otu noshituci shenjanjuelela.

E. H.



## E K U N D O

ljomuulikitumo omusamane T. Vapaavuori.

Manga nda li kOmarantu, onda dimbulula, nkene tapa kalua ngele puua nomvula. Esiku limue tua li tu noku ji tegelela oomuedi noomuedi. Onkene tua galikana shili! Ohugunina omvula je ja, no je eta omuenjo nejambeko kuajehe. Omimvo omilongo nokuli, aantu ojendji ja kala haa tsoongolo no taa kugile ku Kalunga je nomahodi, oja kala nokuindilila omagongalo gomOuambo ngashi ngejaka gomoSuomi uo esilohenda ljepapuduko. Ngashingeji oshihomo shomvula jOmbepo oshi uvitike kune, necimbo ljetalaleko li uetike. Ngashingeji isheue ojendji otaa tsoongolo, no taa hambelele Kalunga, ngoka e tu hololele oonkondo de, otseni aalunde aakueji. Na huka ku Suomi ojendji taa hambelele Kalunga, je nomahodi nokuli, omolu esilohenda ndjoka, one mue li peua.

Omuntu nge ta papuduka moomposi duulunde, oje ota dimbulula ejoka ndjoka e li paluca montulo je noku li hoola pamikalo adihe. Ngoka te li dimbulula, oje a hala okumanguluka kuljo. Ojendji oje nokuitedulula nuuehame noocina o'indji, oondjo oombuinaji noonene sho di nokuhempululilua ku Kalunga, nolujindji kaantu uo. Okutsipula nokucinda oshitumbuka taku ehama shili, ihe tapu ka kala enjanju nombili ji cike peni, Omuaa sho te ja, a kale Omueene guomuntu. Nangame nda kala muudigu ua tja ngaa-ka, ihe nda peua uo enjanju ljomOmuaa Jesus Kristus. Onke ano tandi njanjukua pamue nane uo nomuenjo guandje aguhe. Omvula ndjoka ja li ja tegelelua olule, oje ja ciki kOuambo. Omuaa okua tilile ko omulilo guOmbepo je.

Ongomuuanjoko omukuluntu meitaalo, onda hala one ookume aaholike ndi mu tumine epukululo tali pumbiua olujindji kaantu mboka, opo ja papuduka.

1. Kalunga te tu tumine omacimbo gomapapuduko no gomatalaleko, opo tu dimbulule naua, nkene Oje muene nOmukulili guetu omuhoolike Jesus, oje auke omuhupici guetu. Ombepo Ondjapuki taji tu hempululica oondjo detu, opo tu iteke satana noshilongo she, no tu taalelice oomuenjo detu nomaako getu kOmuaa Jesus Kristus, ngoka oje auke ehupico ljetu. Okuhempulula oondjo akuke itaku hupica nando gumue, ihe ehupico tali ja ku nguka ta taamba Omuaa Jesus ongomuene guomuenjo gue, no ta peua edimo ljoondjo kuje. Kaku na edina li ili, moka tu nokuhupicua, oljo tuu alike, Jesus. Ope na ojendji mboka ja hempulula oondjo dauo, ihe natango taa pangalua kuulunde, oshoka oondjo dauo je di hempululile aantu ajeke. Omeho gOmuaa tage tu koneke aluhe, nomuuike uo.

2. Omuaa te tu tumine uo epapuduko, opo edina lje li simanekue. Omuaa oje omunene, e vule omuhempululicite nenge egongalo, nando oljo uo lja tulua li koleke edimopo ljoondjo ljOmuaa komulunde e neitaalo enkundi.

3. Otse tatu penducua uo okulilila oondjo detu nokuitedulula, opo tu putudue okuza koki jomapangulo goveta, no tu ninge aana jesilohenda. Aapapuduki ojendji oja mono natango epapuduko etijaali enene, sho ja tonaticua okudimbulula, nkene Kristus oje uujuuki uetu, no ji ilongo esiku kehe okukonga eholameno mekololo lje ljesilohenda. Tashi vulika tu ninge aana joshilongo shesilohenda, moka Ombepo Ondjapuki taji tu longo shaa esiku okutseja uulunde nesilohenda.

Omumuandje ngele tandi mu pe ohema ompe, noje ote ja mongerki e ji zala, nena egongalo alihe oli shi shi, ha okaana ki ikongele ohema, ihe oke ji peua kuhe. Okanona naka dimbulule uo, ka zalekua kulje! Ookume aaholike, ngashingeji Omuaa okue mu zaleke noonguo domegulu medimopoljoondjo. Otamu di njanjukilua, ihe dimbulukueni naua, oonguo doka inadi longekidua kegongalo nenge komuhempululicite, aue, ihe okOmuaa Jesus Kristus muene. Oonguo ndjoka oje uujuuki ua Kristus, mbuka ua guana no koshipala sha Kalunga.

Pamue nekundo ndika llandje onda hala oku mu kuata koshikaha kehe ngoka, ndi lile pamue nane, no ndi njanjukue pamue nane mOmuaa Jesus. Nge tandi uvu omalaka gomapapuduko, ote kuatua kondjulukue okucika kune. Aakuetu, galikaneneni oshiguanana shomuSuomi shi mone uo etililo ljOmbepo, nesilohenda ljepapuduko.

Tuure Vapaavuori.

„ O M U U A . ”

Omulumentu guontumba ngoka a kala kiilongo ja India ecimbo ele, ota hokolola ko oshininguanima shimue she mu longo oshindji. Oje ota ti:—

Ongula jimue onda li ndi noku ka talela po muene guoshilongo shoka. Onda shilua po tandi ilongekida naua, oshoka omupangeli ngoka ondi mu shi oje omunene nomusimanekua shili.

Omukuanilua okua tumu etemba lje li fale ndje kuua. Moku-kuutumba muljo, sho tatu ende, onda tala oshilando she shepangelo. Ajihe nde ji mono oja holola uujamba uomukuanilua ngoka. Onda mono aantu je li naua notaa kala momagumbo go oopala. Kehe egumbo oli noshikunino oshinene. Koshilando taku landua iilja nosuuka niijata jo oopala. Koofabrika taku hambulua oshijeela noshikushu sha monika moomina domoshilongo shoka. Omuhingi

guetemba ljomukuanilua okua zaleku uulenga ouindji naajakuli je oje na uo oonguo do oopala.

Otatu ciki kuua uomukuanilua. Ouo egumbo enene li noongulu oonde no do oopala. Iipeleki jokoondunda taji aadima ja foshilveri nenge oshingoli. Cmakuma oga tungicua omamanja omatokele to.

Otandi kundua kelenga lja zala ohema taji aada konjala pevi. Komutse a zala egala lja tulua omamanja nomave taga aadima. Oje ote endica ndje momikala duua. Tatu ljata omalupale ga tungicua uumanja uomaluala gi ili no gi ili. Gamue oga siikilua nomalapi omanene ge nondilo. Navuulua tandi cigilua moshinjanga oshinene shi nomakuma gemanja etiligane.

Mokutegelela muene guoshilongo a holoke otandi tala momakende goshinjanga. Pondje pe naantu taa manga oondjamba da deuka. Otadi mangua iitomo taji aadima, no koombunda nkoka ku nokukuutumba oonene jado, otaku jaalua omalapi go oopalekua nuulenga ui ili no ui ili. Shaa mpoka tandi tala, ondi uete ashike eloolo nuujamba nesimano.

Navuulua taku ja isheue elenga limue tali popica ndje e tali ti:—Omuaa ote ku icana.

Ota fala ndje moshinjanga oshikuaa shi li po oshishona kashona. Mokuja mo omeho gandje taga kongo ga mone muene guujamba mbuka. Otandi mono oshipangelapundi oshinene sha aadima, nokoshipangelapundi nkoka kua kuutumba - oshilema.

Oje omugundjuka natango e nolutu olushona lua siikilua nohema jofeji. Oshipala she osha jela. Ota tala ndje nokuimemeha. Ihe iikaha je oja lemana, noompadi osho tuu, ncingo je itaji vulu okujenga.

Otandi mu kundu nesimaneko olindji:

—Omuaa omusimanekua . . .

Ihe omukuanilua oti imemeha natango a fa a hala okutinda ekundo ndjoka nenge a fa e li tala kali noshilonga kuje. Nomomuenjo guandje onda li ndi mu uvitile shili ohenda. Omupangeli omujamba nomunankondo e nesimano olindji, ihe e na uo uuehamue ouindji noluhopo moka ita vulu okuihepulua.

Omukuanilua ota popica ndje e ta ti:

— Onda njanjukua, sho ue ja, nonda hala u hokololele ndje aagundjuka jokevi ljaandjeni no jokuujuni auhe. Aluhe obandi njanjukua ngele tandi uuvu sha kaagundjuka, oshoka aagundjuka oje etegameno ljoshiguanana. Oonkondo dauo duugundjuka sho je nomalutu ga kola odi vule emona alihe ljuujuni. Iinima jilue kaji noshilonga.

Onda diladila: - Eeno shili, ongoje u shi shi, iinima jilue kaji noshilonga shili. Ando u uape okuilandela uukolele uolutu, ando u gandje po shili uujamba uoje auhe. Ihe ngashingeji u noluhopo olujindji mokati kuujamba nokesimano ljoje.

## TONATENI NOKUGALIKANA.

Omukuetu omuhoolike, oua tonata tuu shili ngashi Omuaa Jesus ta ti? Otse ongundu jaaevangeliste tua kuminua shili elaka ndika, li li Luk. 21: 36. Omasiku ngaka giihupe omuntu ota pulua a kale shili a tonata, oshoka omutondadi oku na ecimbo ljouala, a hala oomuenjo da koca, je e di ninagule po. Tala omukuetu, omukriste kehe e li mekondjo ndika ote ende nuudigu shili. Onke ano ino sa uunje ui indendemeketele omutondi. Ngashi tu shi shi, omukuati guomafuma kee na nomafuma ngoka e ga manga nale, ihe okua tala ngoka taga nuka. Osho nomutondi e li, okua hala uo mboka ja kola meitaalo.

Otse otatu hambelele Tate Kalunga omolu omajambeko oge-ndjigendji tue ga mono momumvo nguka, momikunda nomiigongi jomapapuduko no mootundi. Ano omukuetu, omajambeko ngoka ue ga mono miigongi mbika jonumvo, galikana ngu tonate, gaa hepe ouala.

Ongundu jaanaskola mEngela.

## OJOONGALELE JOMAPAPUDUKO MEONGALO LA ENDOLA.

MEndola, omafiku atano, ano okuhovela omandaha fijo etitano okua kala omaudifo, oo taa hade eshi shi li meemuenjo dovapuilikini. Okua kala ovaudifi vatatu efiku keshe, omuhongi A. Kekki, novafita V. Kaulinge na Natanael Kapofi, nomahepaululo ovanjasha vomaongalo oo a papuduka tete, oukadona novamati, novashamane vamue jo tuu, ndele omuaalu uovakaintu, oua li unene u dule uovalumentu.

Omafiku aeshe oo, movakuaneongalo omua kala ngaho omalipulo: „Ondi nokuninga shike ndi mone omuenjo uaalushe?” Navalil pehulilo loshoongalele obapu kala eilikano lomongudu, neilikano olo ola ninga shili onkuuo jepongo la pongekua koulunde, nola mangua kuuu. Hano Kalunga eshi a tondoka onkuuo jepongo, oikumuifi inene shili ja holoka metitano fijo olomakaja. Kapa li vali ompito jokulja nokunua, ile jokukofa, osheshi omapingafano okulihempaulula okua li manene unene shili. Osheshi Kalunga a talela po ovantu vaje, eluaa la tenda meongalo letu, la mona shili Omue-



ne eshi ta ende mokati ketu. Ovapaani ava ve li moskola jeshasho, ova hovela nokuli okulihepaulula omatimba avo.

Nokuli vamue vomuvo otava ende pamue novakriste ovo vomepapuduko tava ende nomikunda nomaumbo tava udifa evaengeleli lehupifo. Oshili omamanja otaa ingida, no taa hambelele Kalunga Tate. Na vali ovapaani vahapu va holoka moipafi jeongalo tava ti, itava nu vali omalodu nomakaja, oshili.

Ovakriste vahapu, hakunua akuke kuomalodu, nomakaja, ahaue, ova ti jo, itava dungu vali omalodu nokuli.

Nkee tuu ovantu ve lihepaulula, oshivike keshe meongalo letu ohamu di eengudu ntatu tava i momaongalo nomikunda, tava ka udifa efjo la Kristus Jesus.

Omuuulu uovalongua uovapaani ngenge hatu tula kumue eeskola domashasho, naa di domoihua, nena ohatu ka mona ovapaani ove dule ovakriste.

Ovanaudu vokolutu otava hungua naua, osheshi novahungi jo va mona ompepo ipe mepapuduko tuu omo.

Epapuduko otue li mono kenkono dOmpepo Ijapuki ja Tate. Omuhongi Kekki a eta po oluendo lipe mepapuduko, ha kutja pe nelunduluko leendjovo da Kalunga, ndele elandulafanoudifo li neenkono domeulu, omudilo ugapuki ua tumua ku Kalunga ketu, o-ua nengeneka eemuenjo detu. Kalunga na hambelele, osheshi okua talela po ovantu vaje, moilongo jetu nomaongalo aje medu letu lovauambo.

Simson Shituuu.

### OONKUNDANA DOK'UUKUALUUDI.

Popepi noshilongo shUukualuudi opu nohambo. Esiku eti 15 lja November aasita manga je li mohambo, opua holoka onime. O-jo oja igida ja ti: „Aakuetu ne, ileni mu tu kuace, onime je ja.“ Aasamane jamue ja matuka oku ja kuaca.

Sho je ja oja mono onime onene, ondumentu. Omusamane gumue okua li e nondjembo. Oje okua tameke oku ji umba, ihe ine ji jaha. Nena onime ja matuka no ju uuka kuje. Manga ja matuka, omusamane okue ji umbu olutijaali nokue ji jaha kekondo. O, onime ja geje nokugejelele no ja matukile omusamane ngoka. Gumue kua lombuele jakuauo ta ti: „Aakuetu ne, tu cikameni atuheni nonime itaji ja kutse“. Ihe aakuauo ja tila no ja ji ontuku. Omusamane gumue oje auike a cigala peha mpoka. Oje ina vula okumatuka, oshoka onime je ja uunene popepi naje.

Oje okua li e niikaha jouala, onke ina vula okuipopila, oje okua guile meno. Ihe onime je ja meno moka no ja geja noonkondo. Je mu kuata komaako ge no je mu lumata nomajego gajo. Omusamane okua iigida natango: „Aakuetu ne, ileni nokuendelele okukuaca ndje, ndaa dipague konime.“ Ihe aakuauo inaa uapa oku mu kuaca miikaha jonime, nando ja jelekele oku ji umba nuutati. Sho kua kala muudigu u cike mpoka nokua tala eso oshipala, okua diladila, kapu na ue ekuaco liilue, nandi kuate omuligu noombenzi. Oje okua kuata oshama shonime. Nena onime ja nuka pombanda. Natango omusamane okua iigida ekuaco. Sho kua endjelele pombanda, onime ja jaga nomakaha gajo omagulu noompadi de. Navuulua omusamane okua loloka, sho kua kondjo ecimbo ele, nokua guile pevi. Onime inaji mu dipaga, aue, ihe ja ji mokuti. Aasamane oojakuauo oja matuka oku mu kuaca, je mu humbata po no je mu eta konasaresa.

Kalunga na hambelele sho kua manga omilungu donime nokua hupica aantu. - - - Esiku tuu ndjoka mohambo moka mua dipagur oongombe ndatu konime.

Oondjamba uo da tilica aantu sho da holoka moshilongo okukonga omeja. Da holoka oluindji ongulohi no komatango nokuli. Aantu jamue ja ji komukua gua folomenda, kondama mu Shandi oku di tala. Jimue ja guile momucima, mokuti kashona konima jOnangalo no ja sa.

Ijamakuti, ngondjamba nonime, je tu tilica, ihe ope na gumue e vule onime nokuli, he tu hondjunine mekolamo, oje omutondadi guetu satana. Ngele itatu tonata ote tu sindi. Na ngele e tu sindi, tatu kana sigo aluhe. Onke ano: „Kaleni mu neidiliko no mua tonata. Omutondadi gueni satana ohe mu kundukida ongonime haji ulu, no ta kongo ngoka e mu ninagule. Mu kondjiceni mua kola meitaalo“. 1 Petr. 5:8,9.

### OMATIMBA ANGE MAHAPU NO MADJU.

Ove ua njemata ngaho, lesa ondaka jOmue tai ti: Osheshi eshi tua li oingone Kristus okua fila ovalunde. Ndelene Kalunga e tu hololele ohole jaje mu Jesus Kristus ou e tu fila, eshi tua li ovalunde, ndele paife eshi tua ninga ovajuki mohonde jaje, ohatu mono ehupifo mehandu lokomesho. Ngenge ombili ja Kalunga ja ningua mefjo lOmona uaje fimbo otua li ovanaita naje, ohatu hupifua unenenene momuenjo uaje eshi tu nombili naje. Room 5:6,8-10.

OJesus te ku pe jo eenkono dipe okuenda moujelele uaje. Ove ua veluka, ino njona vali, u ha mone oudju u dule ou uotete.

Joh. 5:14

### OONKUNDACANA DAANONA.

(Aanona mboka taa kundacana ojo: Asser na Ruut jomuIsrael, Petrus na Viktoria jokOuambo, Koo-ko na Mei-mei jomuKiina, na Matti na Maija jomuSuomi.)

Petrus: Akutu, nkene tu li po tatu tegelele okrismesa!

Ajehe jalue: Natse osho tuu!

Ruut: Nando oku necimbo ljuutalala, momuenjo mua jenja okrismesa nge je ja.

Viktoria: Uutalala! Nani one jomuIsrael omu nuutalala pecimbo ljokrismesa? Otse mbaka jokOuambo otu nocingelele.

Matti na Maija: Natse uo otu nokufu pecimbo ljokrismesa, iikangua nokuli haji holoka komeja.

Koo-ko na Mei-mei: Natse uo otu nokufu, nuutalala, ihe oongala inadi sa moshikunino.

Petrus: Okrismesa jeni taji kumica ndje, sho mu nuutalala. Kutse uupju ua geja sigo oonjeka nokuli tadi hemuka no tadi pe-tama omolu uupju.

Viktoria: Ongaj' nda diladila odo uo da hala okuinjongame-na ku Jesus.

Ruut: Otse na Asser ohatu cikama moluaanda luaandjetu ongulohi jokrismesa, no tatu jelekele okukonga onjoci jomuBetlehem kegulu. Oshilando sha Betlehem shi li popepielele na Jerusalem, nkoka tu li, natse sho tatu taalele ko, nda fa ndu uvite, ngashingeji oku nokrismesa jotango. Jesus oku li metemba ljokulil'iumuna, naasita je li mondjila, taa ji oku mu talela po. Na ngame ndu uvite nda hala okuja ko.

Asser: Ihe ito vulu okuja ko, oshoka Betlehem oshi li moshilongo shaajarabia ngashingeji no pokati oku nongamba.

Viktoria: Meme okua lombuele ndje, Betlehem oku li mpoka tatu hambelele no tatu galik na Jesus. Nge tatu zi kesakalo lja krismesa, otandi tsoongolo poshijeelo shondunda jandje, e te tala oonjoci nokuhambelele Jesus. Oko nkoka oku na Betlehem shandje.

Petrus: Ngaj' nda hala ndi uape okudana okrismesa popepi na Betlehem shoshene, ngashi Asser na Ruut je li ko.

Koo-ko: Otse na Mei-mei tue shi hala uo, ihe otu nondjila onde uunene. Otse otua hepa shili, oshoka tua fa itatu vulu okudana okrismesa nandonando nuumvo.

Ajehe jalue: Ongini, kamu na okrismesa nando?

Koo-ko: Aahona jomoshilongo shaandjetu otaa ti, oohapu domuJesus odo oongano douala, onke kua indikua okudana esiku ljo-kuvalua kue.

Mei-mei: Ihe meme okua ti, oje te tu kongele okanjeka kamue okatiligane. Oko tatu ka tema, no tatu ka imba omaimbilo gokrismesa maandjetu. Omo uo hamu zi enjanju.

Matti: O, pandunge dandje okrismesa ajihe taji jonuka po, ngele kaku nomuti guokrismesa, nomusamane guokrismesa ngele ita holoka.

Mei-mei: Ihe Jesus otu mu na!

Asser: Eeno, u shi aasita ja li je nomuti esiku ljokrismesa jotango?

Maija: Aue, kaja li je gu na. Oja li je na Jesus auike. Inatu dimbueni Jesus omolu iinima jilue.

Viktoria: Ngashi tse manga tua li aapagani, katua li tu no krismesa nando.

Petrus: Onaua ano, aantu jomuSuomi sho je tu tumine Jesus, natse no tua peua okrismesa uo.

Koo-ko: Tate ota ti, numvo tatu longua okudana okrismesa jopopepielele na Jesus, oshoka katu na nando sha shilue oku tu njanjuda, Jesus oje tuu auike.

Mei-mei: Otu na oohapu da Kalunga uo.

Koo-ko: Eeno, oshili. Omu shi shi tuu moBibeli tamu tumbulua oshilongo shaandjetu uo?

Asser: Oshilongo sha Israel osho ashike tashi popiua ndi shi, niiguana jaapagani.

Koo-ko: Noshilongo sha Kiina sha tumbulilua mo uo. Omuprofeti Jesaja ota popi, no ta ti: Nena ombejaka jokokule otaa ja po, na mboka jokonori no jokuuninginino, na mbejaka jokevi lja Sin. Evi lja Sin, oljo evi lja Kiina.

Niisheue aanongo jokuuzilo, ojo ja zile kuuzilo, esiku limue najo uo aakiina!

Asser: Ihe aasita, ojo jomuIsrael, noshiguana shaandjetu omuprofeti Jesaja e shi tumbulile, otse tatu valelua okanona, no tatu peua omumati, nelelo te li peua, ku li na komapepe ge, nedina lje tali lukua: Omukumici-mupukululi, Kalung'ofule, Gualuhe, Omuaa omunambili.

Viktoria: Oshiguana shaandjetu oje te shi tumbulile uo: „Oshiguana kui hashi endagula momilema, osha tonatela uujelele oui-ndji, na mboka kui ja kala mevi ljomilema cokocoko, uujelele tau ja jelele mo.“

Petrus: Oshiguana shaandjetu, osho sha kala uo manga inashi uva Jesus.

Maija: Akutu ne, ngame itandi dimbulukua nando elaka limue ljomoBibeli tali tumbula oshiguana shaandjetu. Ongoje Matti u shi shi tuu?

Matti: Nangame kandi shiuo.

Ruut: Diladileni shoka omujengeli okue shi lombuele kaasita.



Inamu tila, taleni, ongame tandi mu uvicile enjanju enene tali ningi ljaantu ajehe.

Maija: Eeno oshili, nomEhololo tamu popiua iiguana ajihe, nomalaka agehe taga hambelele Jesus megulu. Otse na Matti uo sho tua longua okutseja Jesus no tu mu hoole, ndi shi natse uo tatu ka kala mongundu jaamboka taa zi miiguana ajihe no taa dana okrismesa jomegulu.

Asser: Eeno oshili. Atuhe tatu ji ko, tua kuatacana komaake, no tatu tsoongolo koshipangelapundi sha Jesus, no tatu mu hambelele.

Ruut: Nopokrismesa jonumumvo tatu mu tsile oongolo, no tatu mu hambelele, oje shokua ningi Omukulili guetu.

Maija: Tu galikanenacaneneni uo otse atuhe, uunene esiku ljo-krismesa, nenge ongini?

Ajehe jalue: Eeno, osho tu ningeni shili.

Mei-mei: Inatu dimbueni okugalikanena uo aanona mboka itaa mono ompito okusakala okrismesa nokuimba omaimbilo gokrismesa. Ajehe jalue: Inatu ja dimbueni shili.

Viktoria: Otapu ka kala enjanju li cike peni, ookume ja Jesus sho taa zi kiiguana ajihe, no taa ka dana okrismesa jomegulu!

Maija: O, nda hala ndi je ngashingeji nokuli!

Matti: Ihe nokombanda jevi okrismesa ji nenjanju olindji, nomaimbilo gokrismesa tage tu njanjuda.

Ajehe jalue: Eeno oshili.

Viktoria: Tu imbeni nokuli: „Megulu mua z'omujengeli.“

Asser na Ruut taa imbi overse jotango.

Petrus na Viktoria taa imbi overse ontijaali.

Koo-ko na Mei-mei taa imbi overse ontihetatu.

Matti na Maija taa imbi overse ontimugoji.

Ajehe kuumue taa imbi ontimulongo.

## OMEVA A MARA.

Ovaisrael eshi va dja mu Egipte ova ja fijo pu Mara, nova hanga omeva malula. Ova pula Moses nehandu: Ohatu nu shike? Omeva amalula!- Ovantu tava ngongotola Moses. Moses okua ninga ngahelipi? Okua indila ekuafu ku Jehova. Jehova okua lombuela Moses: Tula omuti ou momeva; otaa ningi maua. Moses e shi ninga, omeva okua ninga maua. Oshike sha uapaleka omeva mu Mara? Omuti ou, Moses a pula ku Jehova.

Oshike sha fa omeva mu Mara? Omitima dovantu.

Otua uda luhapu, ovanu tava ngongota oinakuuanifua jongerki, no tava ngongotelafana ovakuluntu. Otava keuka kounona ovakuaneongalo, okovataleli nokovakuluntu veongalo. Ava otava tale ovalongi novaevangeliste. Ava tava tale kovafita no kovahongi. Oujehamue otau di peni? Omokudimbua eenkono dekulilo. Ohatu ka hupa peni?

Omukriste omukuetu, ino kumua kouui, ino tila ouui. Pula ekuafu ku Kristus. Ohonde jaje taji njenjepaleke eemuenjo. Ino dimbua ekuafu la uana mohonde ja Kristus. Luhapu tua pula ekuafu kovantu ngashi ovaisrael, oudju ngenge ue uja, ova handukila Moses.

Heno ovakuetu, onda hala okutja, mu Mara otamu ku tuala moverise ei: Indileni e tamu peua. Mat 7:7. Ifanene nge efiku loudju. Eps. 50: 15. Tu pule kOmueni: Natu ninge shike ovanjasha vetu? Natu ninge ngahelipi ovataleli novakuluntu veongalo? Natu ninge ngahelipi ovakuaneongalo? Natu ninge ngahelipi ovalongi novaevangeliste vetu? Natu ninge ngahelipi ovafita vetu?

Ouui uomuntu otau muena keenkono domushiakano. Ohonde jaje taji tiluashi okudimapo omatimba.

Ounene uefuta lomanenge, neenkono da Farao ove di dimbua. Ekuafu la Jehova neenkono daje ove di dimbua. Ohonde ja Jesus ojo efuta linene okuuapaleka ouui meemuenjo dovantu. Efuta tali kanene efjo neenkono da satana, nenjono keshe otali kanene mo mohonde ja Kristus.

Moses okua pula ku Jehova ou e va kufa meke la Farao. Omukriste, Mara joje omushijakano ile ohonde otai njenjepaleke eemuenjo dovaitaveli va shili moudju keshe.

Stefanus Hamukuaja,  
Outjo.

## OSHIKE U SHI NA?

— Oshike u shi na moshikaha shoje, Moses?

— Odimbo jouala, Omuaa, jokuuilika oonzi.

— Ji longica mokulongela ndje.

Moses osho okua ningi — naaisrael oja mono ompito okuza mo muupika.

\*

— Oshike u shi na moshikaha shoje, Maria?

— Ehangaljomugujajo guonarde alike, Omuaa. — Ihe otandi li ku pe.

Osho okua ningi, nondjugo ajihe oju uda ezimba ljomugua-

jo — nohoole je otaji hokololua muujuni auhe.

\*

— Oshike u shi na moshikaha shoje, omuselekadi ohepele?  
— Uuhaulapagona uujaali auke, Omuaa — okashonashona, ihe oko akeke ndi ka na, ndi ka pe otempeli joje.  
Osho okua ningi, nokugandja kue otaku tu siic'ohoni sigo onena.

\*

— Oshike u shi na moshikaha shoje, Tabita?  
— Okanane akeke, Omuaa.  
— Ka longica ano mokulongela ndje.  
Osho Tabita okua ningi, noohepele joku Joppe oja zalekua kuje. Sigo onena oje omuholelua guakiintu mboka ja adika kohoole jOmuaa.

\*

— Oshike u shi na moshikaha shoje, Tertius?  
— Okanjolico akeke, Omuaa Kristus.  
— Ka longica mokulongela ndje.  
Osho Tertius a njola doka e di lombuelua komujapostoligu Omuaa, naaroma oja mono ontumuafu taji longo aantu ojendji ondjila jeitaalo sigo onena.

\*

— Nangoje ou na shike, omuleshi?  
Omuenjo gua tatuka, olutu lua loloka, iilongico ja simpa— Ajihe Omuaa okua hala oku ji taamba, je e ke ji oopaleke noku ji longica.

— Oshike u shi na moshikaha shoje?

Elundululo

## OSHIPONGA SHOK'ONIIPA.

Etihamano ljoshivike neti 29 lja November komatango kOniipa kue ende oshikungulu oshidigu sha tuda po ondunda joshipeleki nomitenge dajo kongulu jaahongi nokoshinjangido. Iipeleki jimue ja umbua kokule sigo mepja ljomusitagongalo. Iishona ajike ja cigala kondunda. Ondunda oonkuauo inadi jonuka po. Nesho uo ondunda jokostora jomambo ja cigala ji li naua.

Egameno enene lja Kalunga lja monika mpoka, sho kaku nomuntu a mona oshiponga sha sha,

Evi alihe nali tile Omuaa, aakuujuni ajehe je nokukakama koshipala she. Eps. 33:8.

## OOSKOLA TADI TAMEKE

eti 26 lja Januarie.

Omugundjuka, ilongekida ngu konge omalongo, u uape okulongela Omukulili guoje ngoka na ngoje ue mu valelua.

Oje okua si peha ljaajehe, opo mboka je nomuenjo jaa ikalele ue jojene, aue, onguka e ja sile, nokue ja jumukile.

2 Kor. 5:15.

## Omuleshi.

Ua dimbulukua tuu okuilandela Omukuetu guomumvo tagu ja? Endelesa ngu shi ninge mbala. Omukuetu otagu pula 2/- kOuambo, no 2/6 kUushimba. Ehangeno tali pula 1/- kOuambo na 1/6 kUushimba.

Ngashi ua mono, moshifo shetu tamu guana oohapu odindji kashona ngashingeji. Ngele u na doka tadi tungu oomuenjo, di tumina ko tuu, ihe uunene tatu ku pumbua, na ngoje u galikanene oshifo shetu shi kale shi nejambeko.

